



Vischnaunca da Breil

Uorden da scola



Scolas Vischnaunca da Breil

Cuntegn:

I. Disposiziuns generalas	2
II. Persunas d'instrucziun	3
III. Direcziun da scola.....	3
IV. Cussegl da scola.....	3
V. Giurisdicziun	6
VI. Disposiziun finala	6

Uorden da scola dalla vischnaunca da Breil

sebasond sin igl art. 20 dalla lescha davart las scolas popularas dil Cantun Grischun (lescha da scola) dils 21 da mars 2012.

Relaschaus dalla vischnaunca da Breil ils 14 d'avrel 2014 ed approbaus dil departament (tenor ordinaziun dalla lescha da scola art.14) ils 20 da matg 2014.

I. Disposiziuns generalas

Art. 1

¹La vischnaunca da Breil meina ils suandonts scalems da scola:

- a) scalem da scoletta
- b) scalem primar
- c) scalem secundar I

Scalems da scola

²La frequentaziun dalla scoletta sa vegnir declarada obligatoria per affons da lungatg jester.

Art. 2

L'obligaziun dad ir a scola, il liug da scola sco era la frequentaziun gratuita sedrezzan tenor il dretg cantunal.

Obligaziun dad ir a scola,
liug da scola,
frequentaziun gratuita

Art. 3

La vischnaunca garantisce las uras da bloc perscettas dil cantun sil scalem da scoletta e sil scalem primar.

Uras da bloc

Art. 4

La vischnaunca porscha en cass da basegns structuradas dil di supplementaras.

Structuradas dil di

Art. 5

¹En cass da basegns sa la Vischnaunca da Breil porscher ulteriuras pussivladads sco lavur sociala da scola ni purschidas da timeout.

Purschidas
supplementaras

²Sche necessari porschan las instituziuns responsablas per la scola purschidas specialas per scolaras e scolars cun talents extraordinaris.

Art. 6

Per ordinar e per realisar mesiras da pedagogia speciala sil sector sempel (niederschwelliger Bereich) ei la vischnaunca responsabla.

Purschida da pedagogia
speciala

Art. 7

Il giudicament sco era la promoziun e la midada da scalem dallas scolaras e dils scolars vegnan fatgs tenor il dretg cantunal.

Giudicament, promoziun e
midada dil scalem

II. Persunas d'instrucziun

Art. 8

¹Las persunas d'instrucziun ein emploiadas da la vischnaunca da Breil.

Relaziun d'engaschament

²Observond il dretg cantunal vegn la relaziun d'engaschament dallas persunas d'instrucziun francada en in contract dil dretg public.

III. Direcziun da scola

Art. 9

La vischnaunca nominescha ina direcziun da scola.

Direcziun da scola

IV. Cussegl da scola

Art. 10

¹Il cussegl da scola consista silmeins da tschun commembras ni commembers. La representanza dils commembers sin las treis fracziuns ei reglada egl art. 61 dalla constituziun da vischnaunca. Il cau dil departament d'educaziun appartegn ex officio al cussegl da scola e presidiescha tal. Pigl auter constituescha il cussegl sesez cun eleger in vicepresident ed in actuar.

Organisaziun

²Il cussegl da scola vegn convocaus dalla presidenta ni dil president aschi savens sco las fatschentas pretendan ni sche minimum dus commembers pretendan quei.

³Eis ei indicau sa il cussegl da scola envidar allas sesidas ulteriuras persunas per informaziun ed orientaziun.

⁴Davart las tractandas sto vegnir scret in protocol.

Protocol

Art. 11

Il cussegl da scola ei habels da decider sche dapli che la mesadad dallas commembras e dils commembers ein presents.

Habilitad da decider

Art. 12

¹Il cussegl da scola meina e survigilescha la scola ed exequescha la legislaziun da scola cantunala e communal. El ademplescha tut las incumbensas sil sector dalla scola ch'ei in buc adossai ad in'otra autoritad ni ad in'otra istanza entras relaschs cantunals ni comunals.

Obligaziuns e cumpetenzas

²El ha cunzun l'incumbensa da:

1. decider davart l'anticipaziun respectivamein davart la suspensiun dall'entschatta da scoletta e dalla scola (scalem primar);
2. decider davart la cuntinuaziun digl onn da scola en ina classa inferiura, sch'in affon ei surdumandaus;
3. decider davart il sursigilir ina classa;

4. decider davart purschidas supplementaras per affons da lungatg jester;
5. ordinar ed abolir mesiras da pedagogia speciala sil sectur sempel;
6. excluder in affon dalla scola duront il temps da scola obligatori;
7. decider davart la relaschada anticipada d'in affon sil pli baul suenter otg onns da scola obligatoris;
8. decider davart la frequentaziun d'ulteriurs onns da scola suenter il temps da scola obligatori;
9. excluder in affon dalla scola duront il temps da scola postobligatori (nachobligatorisch);
10. decider davart la recepziun d'in affon d'in auter purtader da scola e fixar il daner da scola corrispudent;
11. fixar las vacanzas – cun excepziun dallas vacanzas d'atun e da Nadal – en entelgientscha ed en coordinaziun culs cussegls da scola dalla regiun sco era declarar occurrenzas da scola specialas sco obligatorias duront ils suentermiezdis libers ni las sondas;
12. relaschar in reglament davart absenzas e congedis;
13. relaschar in uorden disciplinar;
14. engaschar e relaschar las personas d'instrucziun, il personal gidonter ed igl ulteriur personal da scola
15. decider per mauns dalla suprastonza communal d'engaschar e relaschar la direcziun da scola ed il personal dil secretariat da scola
16. relaschar in carnet d'obligaziuns per la direcziun da scola;
17. relaschar in reglament davart la formaziun supplementara e davart il congedi da formaziun supplementara dallas persnas d'instrucziun e dalla direcziun da scola;
18. punir falliments enviers igl art. 68 dalla lescha da scola cantunala;
19. decider davart il menaschi da scola quei che pertucca:
 - repartiziun dallas classas
 - pensums ed uraris
 - occurrenzas specialas ed jamnas da project
 - organisaziun dils transports
 - damondas d'absenza e congedi;
20. suttametter ina proposta pertuccond il preventiv e las finanzas da scola per mauns dalla suprastonza communal ed impunder ils mieds concedi
21. visitar silmeins inaga ad onn las scolas;
22. relaschar reglaments d'impurtonza en connex cun la scola

23. eleger il dentist/dentista e miedi/miedia da scola

Art. 13

¹La presidenta resp. il president dil cussegl da scola representa il cussegl da scola anoviars, prepara las fatschentas dil cussegl da scola e procura per l'execuziun dils conclus decidi.

Presidi

²En cass urgents che pertuccan il camp da cumpetenzas dil cussegl da scola pren ella resp. el las mesiras necessarias. Il Cussegl da scola decida definitivamein en caussa a caschun da sia proxima sesida.

V. Giurisdicziun

Art. 14

¹Encunter disposiziuns ed encunter decisiuns dallas personas d'instrucziun, dalla direcziun da scola e dalla presidenta resp. dil president dil cussegl da scola sa vegnir fatg recuors tier il cussegl da scola enteifer 10 dis.

Via giudiziala

²Encunter disposiziuns ed encunter decisiuns dil cussegl da scola che pertuccan fatgs da scola sa vegnir fatg recuors tier il departament d'educaziun, cultura e protecziun digl ambient enteifer 10 dis, nun che la lescha cantunala da scola disponi enzatgei auter.

³Encunter decisiuns d'assignaziun negativas ed encunter disposiziuns concernent la nunpromozion respectivamein la promoziun sa vegnir fatg recuors tier igl uffeci per la scola populara e dil sport enteifer 10 dis. Igl uffeci sa preveder ina procedura speciala per giudicar il recuors.

VI. Disposiziun finala

Art. 15

Quei uorden da scola entra en vigur cun l'approbaziun entras il cussegl da vischnaunca e cun l'approbaziun entras il departament d'educaziun, cultura e protecziun digl ambient dil Cantun Grischun e quei retrospectiv cun ils 1-8-2013. El remplazza ils reglaments precedents.

Vigur

Approbau en la seduta dil cussegl da vischnaunca dils 14.04.2014

En num dil cussegl da visschnaunca:

En num dalla suprastonza communal:

Il president: *Adrian Seiler*

Il president: *Richard Caduff*

Il vicepresidente: *Marcus Brunner*

Il canzlist: *Curdin Cadonau*

En num dil departament d'educaziun, cultura e protecziun digl ambient:

Approvò dal departament d'educaziun, cultura e protecziun da l'ambient tenor disposiziun dal departament dals 20.05.2014

Il schef: *Martin Jäger*